

釋名疏證補

(清)王先謙撰集

釋名疏證補

上海古籍出版社

釋名疏證補

[清]王先謙撰集

上海古籍出版社出版

(上海瑞金二路272號)

經售處上海發行所發行 上海大統印刷廠印刷

開本850×1156 1/32 印張13.25 插頁(精)4頁

1984年3月第1版 1984年3月第1次印刷

印數(精)1—4,300 (平)1—11,200

統一書號: 9186·26 定價: (平)1.95元
(精)2.80元

出版說明

《釋名》一書，漢劉熙撰。熙字成國，北海人。《隋書·經籍志》謂熙作《釋名》，見《吳志·韋曜傳》。其人爲漢末名士。《釋名》以同聲相諧，從音求義，參校方俗，考合古今，晰名物之殊，辨典禮之異，洵足羽翼《爾雅》、《說文》，爲詁訓要典。顧其書舊本鮮傳，自《崇文總目》著錄之臨安府陳道人書籍鋪本，今已無傳。自明刻以下，缺譌特甚。清乾隆間，畢沅始校理及之。沅取羣經及史漢書注、唐宋類書、道釋二藏校之，表其異同，是正缺失，又益以《補遺》及《續釋名》二卷，倩吳縣江聲爲

之審定，然後是書可讀。外此有長洲吳氏所刻顧千里校本，奧義微文，是正亦多。洎後學者於此書多詮釋之語。

《釋名疏證補》八卷，《續釋名》、《釋名補遺》共一卷，《疏證補附》一卷，清王先謙（一八四二——一九一七）撰集。先謙字益吾，湖南長沙人。清同治四年進士，官至國子祭酒。博覽羣籍，擅長校讎、董理前人名著，彙纂爲集解之業。所纂《漢書補注》、《後漢書集解》、《莊子集釋》等，均推重士林。此《釋名疏證補》亦其精心校輯之作。是書據畢氏原本爲主，參酌吳刊顧校本，及寶應成蓉鏡之《補證》、陽湖吳翊寅之《校議》、瑞安孫詒讓之《札迻》，並采摭同時學人如湘潭王啓源、葉德炯、孫

楷，善化皮錫瑞，平江蘇德輿，併先謙弟先慎各家校語，萃爲一編。書成，復得元和胡玉縉、海寧許克勤兩家所校，爲芟去重複，別爲《疏證補附》一卷列後。其書刊成於清光緒二十二年，俾研究《釋名》者得此集成之本，有裨取資焉。王刻距今已垂百年，流傳至稀。茲特據以影印問世，藉供學林參考。

上海古籍出版社 一九八三年九月

釋名延證舖八

齊續釋名釋名

舖續齊一齊延

證舖一齊

卷之六
緒
丙
申
初

釋名序

漢北海劉熙成國撰

熙以爲自古造化制器立象有物以來迄於近代或典禮所制
或出自民庶名號雅俗各方名殊

先謙曰吳校名作多云各本多誤名

聖人於時

就而弗改以成其器著於既往哲夫巧士以爲之名故興於其

用而不易其舊所以崇易簡省事功也夫名之於實各有義類

蘇輿曰文獻通考十八引義類作類義先謙曰吳校於作與

百姓曰稱而不知其所以之意

蘇輿曰通考引以下有然字當據補故撰天地陰陽四時邦國都鄙車服喪紀下

及民庶應用之器論敘指歸謂之釋名

蘇輿曰通考引無此八字作卽物名以釋義

凡二十七篇至於事類未能究備凡所不載亦欲智者以類求

之博物君子其於答難解惑王父幼孫朝夕侍問以塞

蘇輿曰此語不

全下有
奪文
可謂之士
蘇輿曰此
亦有奪文
聊可省諸


釋名疏證補序

文字之興聲先而義後動植之物字多純聲此名無可釋者也外是則孳乳繁賾愜趣遷貿學者緣聲求義輒舉聲近之字爲釋取其明白易通而聲義皆定流求珥貳例啟於周公乾健坤順說暢於孔子仁者人也誼者宜也偏旁依聲以起訓刑者側也側者成也展轉積聲以求通此聲教之大凡也侵尋乎漢世間見於緯書韓嬰解詩班固輯論率用斯體宏闡經術許鄭高張之倫彌廣厥愜逮劉成國之釋名出以聲爲書遂爲經說之歸墟實亦儒門之奧鍵已隋唐以還稱引最夥流漸後學取重通人往往古義舊音展卷有會語其佳處尋繹靡窮雖官職致辨於韋昭食品見非於徐鍇諒爲小失無害宏綱亦有直解可

明而繁詞曲證良由主聲之作書體致然自說文離析形聲字有定義無假譬況功用大累於是釋名流派漸微其言聲之學迺沿爲雙聲疊均而說文從聲之法亦生直音故吾以謂說文直音之肇祖而釋名者反切之統宗也舊本闕譌特甚得鎮洋畢氏校訂然後是書可讀長洲吳氏所葉顧千里校本是正亦多其中與義微文未盡揮發端居多暇與湘潭王啟原葉德炯孫楷善化皮錫瑞平江蘇輿從弟先慎覆加詮釋決疑通滯歲月既積簡帙遂充因合畢氏元本參酌吳校及寶應成蓉鏡補證陽湖吳翊寅校議瑞安孫詒讓札遶甄錄尤雅萃爲斯編剖剗甫成元和祝秉綱垂示胡許二君所校爲芟去重複別卷增末期以補靈巖之漏義闡北海之精心大雅宏達庶匡益之光

緒二十一年歲次乙未冬十二月長沙王先謙謹撰

七



釋名疏證畢序

劉熙釋名其自序云二十七篇案後漢書文苑傳劉珍字秋孫一名寶撰釋名三十篇以辯萬物之稱號而韋曜顏之推等皆云劉熙製釋名熙或作熹案三國吳志曜傳曜在獄中上辭有云見劉熙所作釋名信多佳者然物類眾多難得詳究故時有得失而爵位之事又有非是云云玩曜之語則熙之書吳末乃始流布是熙之去曜年代必當不遠一也舊本題安南太守劉熙撰近時校者以二漢無安南郡或云當作南安今考劉昭注續漢書稱三秦記曰中平五年分漢陽置南安郡元和郡縣志亦云漢靈帝立是郡置已在漢末二也此書釋州國篇有司州案魏志及晉書地理志魏以漢司隸所部河南河東河內宏農

并冀州之平陽合五郡置司州是建安以前無司州之名三也
又云西海郡海在其西據劉昭注則西海郡亦獻帝建安末立
其時去魏受禪不遠四也釋天等篇於光武列宗之諱均不避
五也以此而推則熙爲漢末或魏受禪以後之人無疑又自序
云二十七篇而文苑劉珍傳云三十篇篇目亦不甚縣遠疑此
書兆于劉珍踵成于熙至韋曜又補官職之缺也其書參校方
俗考合古今晰名物之殊辨典禮之異洵爲爾雅說文以後不
可少之書今分觀其所釋亦時有與爾雅說文諸書異者爾雅
曰齊曰營州而此云營州齊衛之地爾雅云石戴土謂之崔巍
土戴石爲岨而此依毛傳立文曰石戴土曰岨土戴石曰崔巍
正與相反是也說文錦从帛金聲凡爲聲者皆無義而此云錦

金也作之用功其價如金故其制字从帛與金是以諧聲之字爲會意又說文平土有叢木曰林而此云山中叢木爲林亦皆異義且其字體出說文外十之三益信熙之時去叔重已遠其聲讀輕重名物異同與安順前又迥別也暇日取羣經及史漢書注唐宋類書道釋二藏校之表其異同是正缺失又益以補遺及續釋名二卷凡三閱歲而成復屬吳縣江君聲審正之江君欲以篆書付刻余以此二十七篇內俗字較多故依前隸寫云所以仍昔賢之舊觀示來學以易曉也時乾隆五十四年歲在己酉九月朔日兵部尙書兼都察院右都御史總督湖北湖南等處地方軍務兼理糧餉加三級軍功加二級畢沅序